

Lyßenig herre zcu Penig, die gestrengen er Peter von Schonberg, er Offe von Slywen, er Syfert der große, er Syfert der cleyne von Schonfelt, er Hugold vnd er Hans von Slinicz vnd ander lute gnug den wol ist zcu globen. Gegebin zcu Dresden nach gots gebort dryczenhundert iar in dem dry vnd nünzigisten iare, am montag vor vnsirs hern vffart.

Nach dem Orig. im Stiftsarchiv in Meissen mit dem Siegel wie No. 436.  
Dressdn. gel. Anzeigen 1784. St. XXIX. S. 291 ff.

No. 439. 1393. 23. Juni.

*Der Probst und der Convent verkaufen von den in Wuhnitz erworbenen Zinsen ein halbes Schock Gr. an die Unterpriorin Barbara Thomas und deren Nichte Margar. Reczhin.*

Wir Henrich probist, Elyzabet eptischinne, Margaretha pryorinne vnde dy gancze sammunge dez clostirs czu deme heyligen Crûcze by Myssene gelegen beken-  
nen —, daz wir myt gutin willin vnde myt wolbedochtin mute, myt rate vnsir fründe recht vnde redelich vorkouft habin dorch vnsirs fromen vnde bestin wille der innigen in gote Barbaran Thomas czu den gecziten vnsir vndirpryorinne vnd Margarethan Reczhin yre swester tochtir vnsere begeben geistlichin swestir eyn halb schog groschin Frybergischir mûncze ierliches czinses ewiglich vnsirs eygenes gutis, daz gelegin is in deme dorffe czu Woynicz, daz se alle iar vfhebin sullen vf sente Michaelis tag, dywyle se beyde lebin; wenne se addir beyde abegingen addir stûrbin, daz got noch lange wende, so sal dez egnanten geldis czwene schillinge groschin ewiglich gevallin vnde volgin czu des heyligin Crûcis alter czu geluchte, daz man is ewiglich bruet by der messe vnd zcu keinir stundin mer, vnde sullen gevallin czu vnsir lybin frauwen altir VI groschin auch zcu geluchte alz obin geschrebin stet, daz sal man ewiglich vnvorbroschen vnde vnvorucket also haldin, gote czu lobe vnd yren selen vnd yren eldirn selen, Elyzabet Trogses vnd alle den selen dovon is komen ist czu troste vnde selikeyt. Vnd habin yn daz vrogenante halbe schog groschin gegeben vmmme acht schog groschin ane eyne firdung, also wir is daz selbige iar wedir ern Fryczulde vnd ern Dyttherich von Mylticz gekouft hattin, wenne is vnsir clostir selbir nicht gar vor geldin mochte, daz wyr yn abe gekouft hattin. Ouch globe wyr vrogenante probist, Elyzabet eptischinne, Margaretha pryorinne vnde dy gancze sammunge in gutin truwin, daz wyr yn daz megenante halbe schog groschin czinses, dy wyle daz se dy egnanten Barbara vnd Margaretha beyde lebin, addir yren nochkomenden selwartin addyr den daz selgerete bevolyn wirt, von vns addir vnsir gewaldigin in den geczytin nach yrme tode keyn yn wal werden sal, sundir yn vnde yren nochkomendin selwartin, alz obin geschrebin stet, sal der czins gerugiklich vnd ewiglich gevallen vnde volgin ane arg yntrag adir wy daz namen gehabin möchte, vnde an allis geverde. Daz wir vnd alle vnsir nochkomendin alle dy obin geschrebin redde gloubde vnde stucke ewiglich vnd vnvorbroschin haldin wöllin vnde sullen, daz globe wyr mergenantin Henrich probist, Elyzabet eptischinne,